

REGLUGERÐ

fyrir Háskólann á Akureyri.

I. KAFLI

Hlutverk.

1. gr.

Háskólinn á Akureyri skal vera vísindaleg fræðslustofnun. Hann skal veita nemendum sínum menntun er geri þá hæfa til að sinna ýmsum störfum í atvinnulífnum og ábyrgðarstöðum í þjóðfélaginu eða stunda frekara háskólanám.

Kostnaður við stofnun og rekstur skólans greiðist úr ríkissjóði.

II. KAFLI

Stjórn.

A. Almenn ákvæði um starfssvið rektors, háskólanefndar, forstöðumanna deilda, skrifstofustjóra og bókasafns.

2. gr.

Stjórn háskólans er falin háskólanefnd og rektor. Háskólanefnd hefur úrskurðarvald í málefnum háskólans eftir því sem lög mæla og nánar er ákveðið í reglugerð þessari.

Rektor er yfirmaður stjórnýslu háskólans. Hann ber ábyrgð á fjárreiðum háskólans og hefur daglegt eftirlit með rekstri hans, kennslu og annarri starfsemi.

Háskólinn á stjórnarfararslega undir menntamálaráðherra.

3. gr.

Forstöðumaður deildar hefur yfirumsjón með kennslu, námsskrágerð deildar, svo og gerð stundaskrár og próftöflu, og hefur eftirlit með útvegum námsbóka, handbóka og annarra gagna. Hann hefur einnig umsjón með málum sem snerta rannsóknir deildar.

Forstöðumaður boðar til deildarfunda og stjórnar þeim. Hann gerir í samvinnu við skrifstofustjóra fjárhagsáætlanir fyrir deild sína.

4. gr.

Skrifstofustjóri er yfirmaður á skrifstofu. Hann er rektor til aðstoðar við daglega starfsemi, stjórnun og skipulag og hefur umsjón með fjárreiðum háskólans í umboði rektors.

5. gr.

Bókasafnsnefnd hefur yfirumsjón með bókasafni og lesstofum háskólans. Hann er ábyrgur gagnvart rektor og háskólanefnd. Bókasafnsnefnd gerir fjárhagsáætlanir fyrir bókasafnið í samvinnu við forstöðumenn deilda og skrifstofustjóra. Bókasafnsnefnd hefur bókasafnsnefnd sér til ráðuneytis.

Bókasafnsnefnd annast og gera tillögu um uppbyggingu bókasafns, þjónustu þess og myndun tengsla milli bókasafns og notenda. Í bókasafnsnefnd skulu eiga sæti bókasafnsnefndar, einn fulltrúi frá hverri deild, kosinn á deildarfundi, og einn fulltrúi nemenda tilnefndur af Félagi stúdenta við Háskólann á Akureyri.

B. Um ráðningu rektors, forstöðumanna deilda og annars starfsfólks háskólans.

6. gr.

Rektor er skipaður af menntamálaráðherra til fimm ára. Skal staðan auglýst og leitað umsagnar háskólanefndar um umsækjendur. Heimilt er að endurskipa sama mann rektor önnur fimm ár.

Hæfni umsækjanda um rektorsembætti skal metin eftir vísinda- og útgáfustörfum hans, ferli hans sem háskólakennara, stjórnunarreynslu og öðrum störfum sem á einhvern hátt lúta að háskólastjórn og æðri menntun. Falli rektor frá eða láti af störfum áður en embættistími hans er liðinn, skal aldursforseti meðal forstöðumanna deilda gegna rektorsembætti þangað til ráðið hefur verið í það embætti samkvæmt lögum.

7. gr.

Að loknu fyrsta skipunartímabili forstöðumanna deilda, sbr. 6. gr. laga nr. 18/1988, skal forstöðumaður hvernar deildar kjörinn á deildarfundi, og skal hann fullnægja hæfniskröfum sem gerðar eru til fastráðinna kennara við háskólann sbr. 16. gr. Háskólanefnd staðfestir tilnefningu deildarinnar og ræður forstöðumann til þriggja ára.

Falli forstöðumaður deildar frá skal aldursforseti úr hópi fastráðinna kennara gegna starfi forstöðumanns þangað til ráðið hefur verið í embættið að nýju samkvæmt lögum. Í tímabundinni fjarveru forstöðumanns skipar háskólanefnd staðgengil.

Menntamálaráðherra skipar skrifstofustjóra og bókaforstjóra að fengnum tillögum háskólanefndar.

Rektor ræður annað starfslið við stjórnarsýslu og rekstur eftir því sem fjárveitingar leyfa og heimildir standa til.

C. Háskólanefnd, skipan hennar, starfssvið og starfshættir.

8. gr.

Háskólanefnd skal þannig skipuð:

- a. Rektor, sem jafnframt er formaður nefndarinnar.
- b. Forstöðumenn deilda háskólans.
- c. Einn fulltrúi lausráðinna kennara, kjörinn til eins árs á almennum fundi þeirra.
- d. Tveir fulltrúar nemenda, kjörnir til eins árs á almennum fundi þeirra.
- e. Skrifstofustjóri á sæti á fundum nefndarinnar og hefur þar málfrelsi og tillögurétt en ekki atkvæðisrétt.

9. gr.

Rektor boðar til funda í háskólanefnd eftir þörfum. Skyld er að boða til fundar ef tveir eða fleiri nefndarmenn krefjast þess. Háskólanefnd er ályktunarhæf ef tveir þriðju hlutar nefndarmanna sækja fund. Afl atkvæða ræður úrslitum mála. Falli atkvæði jöfn ræður atkvæði rektors. Færa skal til bókar ákvarðanir háskólanefndar.

10. gr.

Háskólanefnd skipar, sbr. 16. gr. í dómnefndir um stöduveitingar lektora, dósentar og prófessora við háskólann.

Sæki háskóladeild um hækkun lektors í stöðu dósents eða um hækkun dósents í stöðu prófessors, ber háskólanefnd að sjá svo til að slíkar umsóknir sæti þeirri meðferð sem kveðið er á um í lögum um dósents- og prófessorsembætti við Háskólann á Akureyri, sbr. 17. gr.

11. gr.

Háskólanefnd kveður á um skipulagningu nýrra námsbrauta með samþykki menntamálaráðherra og fjallar um áætlaðar framkvæmdir við háskólann, sbr. 13. gr. Ennfremur tekur nefndin endanlega afstöðu til innritunarbeiðna nemenda sem ekki hafa lokið stúdentsprófi, en hafa starfsreynslu eða annars konar óformlega þjálfun.

12. gr.

Háskólanefnd hefur, í samráði við rektor, umsjón með að árbók háskólans komi út.

Í árbók háskólans skal vera skýrsla um starfsemi háskólans, stofnanir hans og sjóði og ráðstöfun á fé því sem háskólinn hefur haft til umráða svo og um málefni nemenda.

III. KAFLI.

Kennarar og deildir háskólans.*A. Deildir háskólans.*

13. gr.

Í Háskólanum á Akureyri eru heilbrigðisdeild, rekstrardeild og sjávarútvegsdeild. Tvær brautir eru við rekstrardeild, iðnrekstrarbraut og rekstrarbraut.

Menntamálaráðherra getur samþykkt stofnun fleiri deilda eða námsbrauta, að fengnum tillögum háskólanefndar og innan marka fjárveitinga í fjárlögum.

B. Kennarar háskólans og veiting kennaraembætta.

14. gr.

Fastir kennarar háskólans eru prófessorar, dósentar og lektorar. Einnig starfa stunda-kennarar við skólann. Dósent- eða prófessorsstöðu skal því aðeins stofna að forsendur séu fyrir því að staðan tengist rannsóknastörfum.

15. gr.

Forseti Íslands skipar prófessora en menntamálaráðherra dósentar og lektora. Rektor ræður stundakennara í samráði við forstöðumenn deilda. Þá eina má skipa fasta kennara sem lokið hafa fullnaðarprófi frá háskóla eða annarri sambærilegri stofnun í aðalgrein þeirri er þeir eiga að kenna.

Rektor er heimilt að ráða fólk tímabundið til sérstakra rannsóknarverkefna eftir því sem fjárveitingar leyfa, að fengnum samþykki háskólanefndar.

16. gr.

Umsækjendur um prófessorsembætti, dósentstöður og lektorstöður skulu láta fylgja umsókn sinni rækilega skýrslu um vísindastörf þau er þeir hafa unnið, ritsmíðar, rannsóknir, kennslustörf, stjórnunarstörf svo og námsferil sinn og önnur störf.

Skipa skal hverju sinni þriggja manna nefnd til þess að dæma um hæfi umsækjenda til að gegna embætti prófessors eða dósentar. Skipar menntamálaráðherra einn mann í nefndina. Háskóli Íslands annan, háskólanefnd Háskólans á Akureyri hinn þriðja og er hann formaður nefndarinnar. Í nefnd þessa má skipa þá eina sem lokið hafa háskólaprófi í hlutaðeigandi grein eða eru að öðru leyti viðurkenndir sérfræðingar á því sviði sem um er að ræða. Dómnefnd skal hraða störfum sínum eftir föngum og skal hún að jafnaði hafa lokið störfum innan tveggja mánaða frá því er hún var skipuð.

Dómnefnd skal láta uppi rökstutt álit um það hvort af vísindagildi rita og rannsókna umsækjanda svo og námsferli hans og störfum megi ráða að hann sé hæfur til að gegna embættinu. Álitsgerð nefndar skal höfð til hliðsjónar er embættið er veitt og má engum manni veita prófessorsembætti eða dósentstarf við Háskólann á Akureyri nema meiri hluti nefndarinnar hafi látið í ljós það álit að hann sé hæfur til þess. Heimilt er háskólanefnd að hlutast til um skipun dómnefndar um stöðu lektors með sama hætti. Ennfremur skal leita álits háskólanefndar um umsækjendur hvort heldur eru lektorar, dósentar eða prófessorar.

Heimilt er að binda ráðningu lektora, dósentar og prófessora við ákveðinn tíma. Heimilt er að endurnýja ráðningu ef háskólanefnd mælir með því.

17. gr.

Heimilt er að flytja kennara úr lektorstöðu í dósentstöðu og úr dósentstöðu í prófessorsstöðu. Lektor sem gegnt hefur starfi sínu tvö ár minnst getur farið þess á leit að háskóladeild hans fari fram á stöðuhækkun honum til handa. Dósent sem gegnt hefur starfi

sínu tvö ár minnst getur farið þess á leit að háskóladeild hans fari fram á stöðuhækkun honum til handa. Umsókn þar um skal hlutaðeigandi deild senda til háskólanefndar. Um skipan og störf dómnendar til að fjalla um hæfi umsækjanda skulu gilda sömu ákvæði og um dómnefnd þegar staða er auglýst, sbr. 16. gr.

C. Starfsskylda kennara.

18. gr.

Háskólanefnd ákveður að fenginni heimild ráðuneytis og umsögn forstöðumanna deilda hvernig starfsskylda einstakra háskólakennara skuli skiptast milli kennslu og annarra starfspáttá innan marka gildandi kjarasamninga.

19. gr.

Rektor getur veitt kennurum lausn undan kennsluskyldu allt að einum mánuði. Á þetta einkum við ef kennarar vinna tímabundin störf við stjórnun, rannsóknir eða þróun.

D. Háskóladeildir og störf þeirra.

20. gr.

Á deildarfundum eiga sæti forstöðumaður deildar, prófessorar, dósentar og lektorar hvort sem þeir gegna fullu starfi eða hlutastarfi. Einnig eiga þar sæti tveir fulltrúar stundakennara og einn fulltrúi nemenda viðkomandi deildar.

21. gr.

Hver háskóladeild heldur fundi eftir þörfum en skylt er að boða til fundar ef rektor eða þriðjungur deildarmanna sem rétt eiga á fundarsetu æskja þess. Forstöðumaður deildar boðar fundi bréflaga og með þriggja daga fyrirvara ef unnt er en einstakar háskóladeildir geta þó ákveðið annan hátt á fundarboðum. Fundarefni skal greina í fundarboði. Deildarfundur er ályktunarfær ef fund sækir meira en helmingur atkvæðisbærra manna. Nú eru atkvæði jöfn og ræður þá atkvæði forstöðumanns deildar. Gerðir deildarfunda skulu bókfærðar.

22. gr.

Deildarfundur er forstöðumanni deildar til ráðuneytis við skipulagningu á starfsemi deildarinnar. Ennfremur skal deildarfundur fjalla um mál einstakra nemenda deildarinnar.

23. gr.

Námsnefnd starfar við hverja deild háskólans. Námsnefnd skal skipuð af deildarfundi. Í námsnefnd skulu sitja þrjú fulltrúar fastra kennara, einn fulltrúi stundakennara og einn fulltrúi nemenda. Námsnefnd skal halda fundi a.m.k. einu sinni í mánuði. Námsnefnd skal gera tillögur um stefnumörkun í kennslu og námi. Hverri deild er heimilt að setja reglur um áheyrnarfulltrúa í námsnefnd.

IV. KAFLI.

Kennsla og nemendur.

A. Háskólaár.

24. gr.

Háskólaárið telst frá 1. september til jafnlengdar næsta ár.

Kennsluárið skiptist í tvö misseri, haustmisseri frá 1. september til 15. janúar og vormisseri frá 16. janúar til 31. maí. Háskólanefnd getur ákveðið aðra misseraskiptingu fyrir einstakar deildir og námsbrautir. Hver deild fyrir sig ákveður hvenær kennsla og próf fara fram. Starfsvikur á haust- og vormisseri skulu ekki vera færri en 30. Kennsluhlé skal vera um

jól, frá og með 22. desember, til og með 2. janúar. Um páska skal ekki kennt á miðvikudegi fyrir skírdag og á þriðjudegi eftir annan í páskum.

Sjúkra- og upptökupróf eru í janúar fyrir haustmisseri og júní fyrir vormisseri. Stjórn deildar getur gert breytingar á skipulagi fyrir eina eða fleiri námsgreinar ef nauðsyn krefur.

B. Kennsla.

25. gr.

Háskólinn skal gefa út námskrá í upphafi hvers skólaárs. Í henni skulu vera skráð númer og nöfn allra námsáfanga og stutt lýsing á hverjum áfanga fyrir sig. Tilgreina ber öll skilyrði um undanfara einstakra áfanga þegar það á við. Þessi námskrá skal gilda fyrir nemendur sem innritast það námsárið og stunda nám með eðlilegri námsframvindu.

Forstöðumaður hvernar deildar gefur út áætlun, í upphafi kennslu hvers áfanga, með upplýsingum um kennara, tilgang og markmið, leiðbeiningum til nemenda, hvernig námsmat sé háttað og hvert lesefni sé.

26. gr.

Fyrirlestrar, æfingar og námskeið eru fyrir skrásetta nemendur. Fyrirlestrar eru öðrum opnir með samþykki kennara.

27. gr.

Nú er nám metið til eininga og skal þá ein eining svara sem næst til einnar viku vinnu.

28. gr.

Háskóladeildum er heimilt að setja reglur um skyldu nemenda til þátttöku í æfingum, verklegu námi og vettvangspjálfun.

C. Nemendur.

29. gr.

Hver sá, sem staðist hefur fullnaðarpróf frá íslenskum skóla sem heimild hefur til að brautskrá stúdenta hefur rétt til að skrá sig til náms við háskólann gegn því að greiða skrásetningargjald. Háskólanefnd er heimilt að leyfa skrásetningu einstaklinga er lokið hafa öðrum prófum en að ofan greinir ef hlutaðeigandi deild eða námsbraut telur um að ræða fullnægjandi undirbúning til náms við háskólann. Heimilt er deild eða námsbraut að kanna undirbúning umsækjenda með prófum í slíkum tilvikum, ef þurfa þykir.

30. gr.

Skrásetning nýnema fer fram á tímabilinu 1. maí til 1. júní ár hvert. Skráning annarra fer fram á tímabilinu 1. júní til 15. júní ár hvert. Beiðni um skrásetningu nýnema skal fylgja ljósrit eða staðfest afrit af stúdentsprófsskírteini og önnur þau skilríki sem nánar kann að verða kveðið á um af hálfu viðkomandi deildar. Nemar skulu greiða skrásetningargjald fyrir 20. júní. Nemendur hafa hvorki rétt til þess að sækja fyrirlestra og æfingar né ganga undir próf nema þeir uppfylli framangreind skilyrði.

31. gr.

Ár hvert skal háskólanefnd ákveða skrásetningargjald, að höfðu samráði við stjórnir Félagsstofnunar stúdenta á Akureyri og Félags stúdenta við Háskólann á Akureyri. Gjald þetta er háð samþykki menntamálaráðherra hverju sinni. Skrásetningargjald rennur til starfsemi Félagsstofnunar og Félags stúdenta, og skal skipting þess ákveðin með sama hætti og fjárhæðin. Heimilt er að innheimta pappírsgjöld með skrásetningargjaldi.

32. gr.

Gerist nemandi sekur um brot á lögum eða öðrum reglum háskólans getur háskólanefnd veitt honum áminningu eða vikið úr skóla um tiltekinn tíma eða að fullu. Nemandi er heimilt að skjóta úrskurði háskólanefndar til menntamálaráðherra. Kæra frestar framkvæmd úrskurðar en nemandi má þó ekki ganga undir próf meðan á málskoti stendur.

D. Próf.

33. gr.

Próf eru munnleg, skrifleg eða verkleg. Heimilt er að meta ritgerðir, skýrslur o.þ.h. sem hluta af einkunn og áskilja lágmarkseinkunn í hverjum prófhluta greinar. Skal um þetta vera samráð á milli forstöðumanns deildarinnar og hlutaðeigandi kennara og ákvörðun kunngerð nemendum eigi síðar en við upphaf kennslu í viðkomandi námsáfangi.

Háskólakennarar standa fyrir prófum en hver deild ræður tilhögun prófa hjá sér að svo miklu leyti sem ekki eru sett bindandi ákvæði um það í lögum og reglugerð.

34. gr.

Fyrir upphaf kennslutímabils skrá nemendur sig í þau námskeið er þeir hyggjast sækja. Innritun í námskeið gildir sem innritun í próf sem haldið er að námskeiðinu loknu.

35. gr.

Einkunnir eru í heilum tölum frá 1 til 10. Nemandi telst ekki hafa staðist próf nema hann hljóti einkunnina 5 minnst.

36. gr.

Við munnlegt og verklegt próf skal vera prófdómari. Við mat á lokaverkefni skal ætíð vera prófdómari, hvort sem það er munnlegt eða skriflegt. Önnur skrifleg próf dæma hlutaðeigandi kennarar einir.

Niðurstöður prófa skulu liggja fyrir eigi síðar en 3 vikum eftir prófdag. Nemandi á rétt til að fá útskýringar á mati skriflegrar úrlausnar sinnar ef hann æskir þess innan 10 daga frá birtingu einkunnar. Vilji nemandi sem ekki hefur staðist próf þá eigi una mati kennarans getur hann snúið sér til viðkomandi forstöðumanns deildar. Skal þá prófdómari skipaður í hverju tilviki sé ekki um lokaverkefni að ræða. Einnig getur kennari eða meiri hluti nemenda í viðkomandi námskeiði, telji þeir til þess sérstaka ástæðu, óskað skipunar prófdómara í einstöku prófi.

Menntamálráðuneytið skipar prófdómara að fengnum tillögum háskóladeildar. Prófdóm- arar samkv. 1. mgr. skulu skipaðir til þriggja ára í senn hið lengsta.

37. gr.

Nemandi sem kemur ekki til prófs og hefur ekki boðað forföll telst hafa þeytt prófið. Úrsögn úr prófi skal vera skrifleg og hafa borist skrifstofu skólans eigi síðar en tveim sólarhringum áður en próf hefst.

Nú stenst nemandi ekki próf og er honum þá heimilt að endurtaka það tvisvar. Sækja þarf sérstaklega um það til háskólanefndar ef þreyta á endurtekningarpróf í þriðja sinn.

38. gr.

Hafi nemandi staðist próf getur hann óskað eftir, ef sérstakar ástæður eru fyrir hendi, að fá að endurtaka prófið. Sé endurtaka heimiluð skal hún fara fram í næsta skipti sem viðkomandi próf er haldið. Seinni einkunnin skal gilda.

39. gr.

Skrifstofa háskólans annast undirbúning og stjórn prófa í samráði við forstöðumenn deilda.

40. gr.

Skrifstofa háskólans sér um færslu einkunna og varðveislu þeirra. Hún sér og um að birta nemendum einkunnir.

V. KAFLI.

Stofnanir háskólans, eigur hans og fjármál.

41. gr.

Rektor hefur yfirumsjón með sjóðum skólans og öðrum eigum. Um stjórnir sjóða fer eftir því sem stofnskrár eða aðrar samþykktir mæla fyrir um.

VI. KAFLI.

Heilbrigðisdeild.

42. gr.

Kennsla og rannsóknir í hjúkrunarfræði og undirstöðugreinum hennar fara fram við heilbrigðisdeild.

43. gr.

Nám í hjúkrunarfræði er skipulagt sem fjögurra ára nám og lýkur með BS-prófi í hjúkrunarfræði. Námið er að lágmarki 120 einingar, 30 einingar á ári. Heimilt er að setja nemendum skilyrði um að ljúka námsefni 1. og 2. árs áður en nám er hafið á þriðja ári. Hámarksnámstími til lokaprófs er 6 ár, 3 ár til að ljúka fyrri hluta, þ.e. venjulegu tveggja ára námi, og með sama hætti 3 ár til að ljúka síðari hluta náms. Heimilt er að veita undanþágu frá þessum tímamörkum með samþykki deildarfundar.

44. gr.

Nemendur í hjúkrunarfræði skulu á námstíma sínum afla sér þriggja mánaða starfsreynslu á heilbrigðisstofnunum.

VII. KAFLI.

Rekstrardeild.

45. gr.

Kennsla og rannsóknir í greinum sem tengjast rekstri fyrirtækja og stofnana fara fram við rekstrardeild.

46. gr.

Við rekstrardeild eru tvær námsbrautir, iðnrekstrarbraut sem skiptist í tvö svið, framleiðslu- og markaðssvið, og rekstrarbraut. Námið er skipulagt sem tveggja ára nám. Hámarksnámstími til að ljúka prófi í rekstrarfræði eða iðnrekstrarfræði er þrjú ár. Heimilt er að veita undanþágu frá þessum tímamörkum með samþykki deildarfundar.

47. gr.

Að loknu 70 eininga námi og tilskildum prófum kallast nemandi af iðnrekstrarbraut iðnrekstrarfræðingur og nemandi af rekstrarbraut rekstrarfræðingur.

Heimilt er háskólanefnd að bæta við 50 einingum til BS-prófs í rekstrardeild, enda hafi fé verið veitt til þess í fjárlögum.

VIII. KAFLI.
Sjávarútvegsdeild.

48. gr.

Kennsla og rannsóknir í greinum sjávarútvegs fara fram við sjávarútvegsdeild.

49. gr.

Til að fá inngöngu í sjávarútvegsdeild skulu nemendur hafa öðlast hið minnsta eins árs starfsreynslu í sjávarútvegi.

50. gr.

Nám í sjávarútvegsfræði er skipulagt sem fjögurra ára nám og er 120 einingar, 30 einingar á ári. Hámarksnámtími til að ljúka prófi í sjávarútvegsfræði er sex ár. Heimilt er að veita undanþágu frá þessum tímamörkum með samþykki deildarfundar.

51. gr.

Að loknu 120 eininga námi og tilskildum prófum í sjávarútvegsdeild kallast nemandi sjávarútvegsfræðingur.

IX. KAFLI.
Gildistaka.

52. gr.

Reglugerð þessi er sett samkvæmt 13. gr. laga nr. 18/1988, um Háskólann á Akureyri, og öðlast þegar gildi.

Menntamálaráðuneytið, 1. október 1990.

Svarar Gestsson.

Árni Gunnarsson.

AUGLÝSING
um umferð á Akureyri.

Að fengnum tillögum bæjarstjórnar Akureyrar og samkvæmt heimild í 81. gr. umferðarlaga nr. 50/1987 eru hér með settar eftirfarandi reglur um umferð á Akureyri:

1. Umferð um Norðurgötu, Reynivelli og Ránargötu vikur fyrir umferð um Grenivelli. (biðskylda).
2. Bifreiðastöður eru bannaðar við suðurbrún Grenivalla milli Hjalteyrargötu og Norðurgötu.
3. Tvístefnuakstur verður á Helgamagrastræti frá mótum Munkaþverárstrætis og suður fyrir innkeyrslu á lóð við Helgamagrastræti nr. 53.
4. Biðskylda á Furuvöllum við Norðurgötu fellur niður.
 Ákvæði auglýsingar þessarar taka gildi þegar í stað.

Bæjarfógetinn á Akureyri, 9. október 1990.

Eliás I. Eliásson.